

**ACARA IBADAH KONVENT  
PANGULA NA GOK HKBP DISTRIK VI DAIRI**



**HKBP PANSURAN RES PANSURAN**  
Senin, 17 Maret 2025

## 01. Joujou Mamuji Debata (L :Liturgis ; H: Huria)

L` : Tama hita mandok mauliate tu Debata pardenggan basa i, ai diramoti do daging nang tondinta sahat tu tingkion, di lehon dope tingki parasion tu hita ganub asa pangkeonta laho mangulahon hombar tu lomo ni roha ni Tuhan i. Ala ni taendehon ma Jahowa, taolophon ma Debata ni hatuaonta! Ro be ma hita tu adopanNa marhitehite pujipujian, taolophon ma Ibana marhitehite ende!

H : Debata na timbul do Jahowa, jala Raja Bolon na mangatasi saluhutna. Di bagasan tanganNa do ojahan ni tano on, jala guru di Ibana do sandok pangisi ni portibi on.

L : Bongoti hamu ma angka bahalNa marhitehite hamauliateon, angka alamanNa marhitehite pujipujian. Mauliate ma rohamuna tu Ibana, puji hamu ma goarNa.

H : Beta ma hita manungkap huhut marsomba, marsinggang ma hita tu jolo ni Jahowa, Sitompa hita. Ai ibana do Debata jala bangso hita bangso pinarmahanNa.

L : Hasudungan ni Jahowa do angka na mangkabiari Ibana, jala dipabotohon tu nasida padanna. Sai tong do mangaranap matangu tu Jahowa, ai Ibana do manganet tothu sian jorgong. **Tapuji Ma Tuhanta. Marende ma Hita**

## 02. Marende BE. No. 3 : 1-2 “Puji Jahowa Ale Tondingku”

➤ Puji Jahowa ale tondingku, Puji Ibana Debatami.

Tagan so suda dope bohalhu, naeng pujionku basana i.

Sitompa daging, tondi pe ingkon dipuji sasude, Haleluya, Haleluya

----Jongjong----

➤ Tubu nijolma do nang na sangap jala na mulak tu tano i, tahitahina pe laho do monjap molo dibondut tanoman i.

Ndang jolma hasonanganki, Debata do haposanki. Haleluya, Haleluya

## 03. Votum-Introitus-Tangiang L : Liturgis

L : Marhitehite Goar ni Debata Ama dohot Goar ni AnakNa Tuhan Jesus Kristus dohot Goar Ni Tondi Porbadia na tumompa langit dohot tano on. Amen. Pos situtu do rohangku, manang hamatean, manang hangoluan, manang angka surusuruan ni Debata, manang harajaon, manang hagagoon, manang angka na masa nuaeng, manang angka na ro sogot, ndang tarbahen i manirang hita sian haholongon ni roha ni Debata, na marhitehite Jesus Tuhanta i, Haleluya!

*Martangiang ma hita:* Ale Tuhan Debata, Pargogo na so hatudosan jala Parasiroha! Hupaserep hami rohanami di joloM jala hupangido hami tu Ho: Sai lehon asi ni rohaM manggohi rohanami, jala sondangi rohanami

marhitehite TondiM, asa lam hutinggalhon hami nasa dosanami, jala hutangihon hami hataM na badia i. Sai paian ma di HataM di bagasan rohanami, asa marparbue na denggan hami. Hupangido hami saluhutna i marhitehite Tuhan Yesus Kristus Tuhannami. Amen.

#### **04. Marende BE. No. 255 : 1-2 “Holan Sada Do Na Ringkot”**

- Holan sada do na ringkot Jesus lehon i di au.  
Manang aha pe na dapot Nandang tuk pasonangkon au.  
Nang arta nang sangap sude hamoraon Nandang tau mangalehon di au hasonangan.  
Alai molo dapot na sasada i Tongtong las rohangku hinorhon ni i
- Molo naeng di ho tondingku Arta na sasada I  
Nandang tarbahren luluanmu Anggo so di ginjang i disi,  
di siamun ni Tuhan Jahowa Do hundul AnakNa na dung gabejolma  
Ibana do jambar na sun denggan i Antong o tondingku jalahi ma i.

#### **05. Manjaha Hata ni Debata : Lukas 13: 1 - 5**

- L :** Adong ma na ro uju i paboahon tu Ibana taringot tu angka halak Galilea, na didurushon si Latus do mudarnasida, gabe saor tu na pinelehonnasida.
- H:** Jadi ninna Jesus ma mangalusi nasida: Na diagam rohamuna do pardosaan halak Galilea i martimbangkon saluhut halak Galilea, ala songon i diahap nasida?
- L :** Hudok ma di hamu: Nandang; anggo so muba rohamuna, laos songon i do hamu mago muse!
- H:** Manang na dirimpu hamu, anggo na sampuluualu halak, na mate ditinggang palaspalas na di Siloam, parsalaan sian sude pangisi ni huta Jerusalem?
- L :** Hudok ma di hamu: Nda tung; anggo so muba rohamuna, laos songon i do hamu mago muse!
- I do sahatna. Martua do angka na tumangihon Hata ni Debata jala na umpeopsa. Amen.*

#### **06. Marende BE. No. 10 : 2-3 “Hupuji Hupasangap Ho”**

- Saluhut na tinompaMi naeng sonang di rohaMu.  
Arian dohot borngin pe disarihon rohaMu.  
Nang uhum di gomgomani na tigor, na sintong do I; pinuji ma goarMu.
- Nandang dung tartading bangsoM i, naung pinillitMu jolo.  
Sai Ho do haporusan ni sude na ro, na olo.  
Ditogu Ho do sasude asa tu hangoluan be, pinuji ma goarMu.

#### **07. Tangiang Pangondianon**

### **08. Marende BE No. 466 : 1 , 4 “Nunga Ro Au”**

- Nunga ro au o Tuhanku, tu hau pinorsilangMi.  
Hupelehon ma diringku, upa halojaonMi.  
Hatuaon i, las ni rohangki, ai hibul do hupelehon nasa diringki.
- Sai gok Tondi ma rohangku, mate roha diri i,  
Holan Ho huhaholongi, Ho nampuna diringki.  
Hatuaon i, las ni rohangki, ai hibul do hupelehon nasa diringki.

### **09. Renungan**

### **10. Marende BE 238: 1-3 “IHUTHON AU SUDE HAMU” (Pelean)**

1. Ihuthon au sude hamu, didok Tuhanta Jesus  
Sai soadahon dirimu, hatangku ma patulus  
Alai bolongkon ma sude, parulanmu na so ture
2. Sai Au panondang di hamu, di dalan hangoluan  
Naeng unang lilu be hamu, dao dohot hamagoan  
Au parhitean di hamu, tu hasonangan situtu
3. Hupatuduhon di hamu, sipasidingonmuna  
Sude geduk ni rohamu, sipaubaoonmuna  
Ai naeng ias ma tondimu, di na lao suda bohalmu

### **11. Tangiang : Ale Amanami - Pasupasu – Amen Amen AMen**

### **CATATAN**

---

---

---

---

---

---

---

---

---

---